

Na osnovu člana 71. Zakona o visokom obrazovanju („Sl. glasnik USK-a“, br. 8/09) a u skladu sa **Odlukom Senata Univerziteta u Bihaću, broj: 06 – 1495/2010 od 27. 05. 2010. i broj: 06-1697/2010 od 14. 06. 2010.** godine, Univerzitet u Bihaću **objavljuje**

## **KONKURS / NATJEČAJ**

**za upis studenata u I godinu studija na fakultete/Visoka škola Univerziteta u Bihaću u akademskoj 2010/2011. godini u Prvi ciklus studija**

Konkurs/natječaj za upis u I godinu studija u akademskoj 2010/2011. traje od **25. 06. 2010. do 08. 07. 2010. godine.**

Prijemni ispit, na fakultetima/VŠ-i Univerziteta u Bihaću na kojim se polaže, obaviti će se **12. 07. 2010.** godine prema rasporedu i satnici koju će utvrditi fakulteti/VŠ-i Univerziteta u Bihaću pojedinačno i oglasiti na svojim oglasnim pločama uz detaljne informacije o sadržaju i načinu polaganja prijemnog ispita.

### **OPĆE ODREDBE**

***U prvu godinu studija u akademskoj 2010/2011. kandidati se upisuju u skladu sa planom upisa studenata.***

Pravo učešća na KONKURSU/ NATJEČAJU imaju državljani BiH, strani državljani i lica bez državljanstva sa završenom odgovarajućom srednjom školom u četverogodišnjem trajanju u BiH, kao i kandidati koji su srednju školu završili izvan Bosne i Hercegovine, a za koje je nakon postupka ekvivalencije utvrđeno da imaju završeno adekvatno obrazovanje za nastavak školovanja.

Prijem i upis studenata u I godinu studija provodi posebna komisija koju imenuje nadležni organ fakulteta/VŠ-e Univerziteta u Bihaću.

Izbor kandidata vršit će se na osnovu **Odluke o kriterijima i mjerilima za utvrđivanje redoslijeda prijema kandidata za upis studenata u I godinu studija** na Univerzitetu u Bihaću koja je sastavni dio ovog KONKURSA/NATJEČAJA, kao i pojedinačnih kriterija fakulteta/VŠ-e Univerziteta u Bihaću za vrednovanje ocjena iz predmeta relevantnih za odgovarajući studij i vrednovanje rezultata prijemnih ispita na fakultetima/VŠ-i Univerziteta u Bihaću na kojima je predviđeno polaganje prijemnih ispita.

Rang listu svih kandidata i spisak primljenih kandidata, fakulteti/VŠ-a Univerziteta u Bihaću će objaviti na oglasnoj ploči, nakon što je verifikuje nadležni organ i to za fakultete/VŠ-u Univerziteta u Bihaću na kojima je predviđeno polaganje prijemnog ispita najkasnije 3 dana od posljednjeg dana polaganja prijemnog ispita, a za ostale fakultete/VŠ-u Univerziteta u Bihaću najkasnije 3 dana od dana zatvaranja KONKURSA/NATJEČAJA.

Fakulteti/VŠ-a Univerziteta u Bihaću će na svojim oglasnim pločama dati potpune informacije o mjestu i vremenu predavanja dokumenata na KONKURSU/NATJEČAJU.

Za prijavu na KONKURS/NATJEČAJ za upis u I godinu studija kandidat je dužan predati sljedeća dokumenta:

- 1) zahtjev za upis u kome je tačno naznačen odsjek na koji konkuriše,
- 2) originalne svjedodžbe o završenim razredima srednje škole završene u BiH u četverogodišnjem trajanju, odnosno odgovarajuća nostrificirana dokumenta za kandidate koji srednju školu nisu završili u BiH
- 3) originalnu diplomu o završenoj srednjoj školi
- 4) izvod iz matične knjige rođenih (ne stariji od 6 (šest) mjeseci)
- 5) druga dokumenta relevantna za utvrđivanje broja bodova po kriterijima.

Prijave podnesene poslije utvrđenog roka, kao i nepotpune prijave neće se uzimati u razmatranje.

Za sve fakultete/VŠ-u Univerziteta u Bihaću koje ne prime planirani broj kandidata u ovom upisnom roku bit će objavljen naknadni KONKURS/NATJEČAJ. Pravo učešća na KONKURSU/NATJEČAJU i polaganje prijemnog ispita u naknadnom roku imaju svi kandidati koji konkurišu/natječu prvi put za upis na fakultetu/VŠ-i Univerziteta u Bihaću, kao

i kandidati koji su se na KONKURSU/NATJEČAJU prijavili u ranijem roku, a nisu položili prijemni ispit ili su zbog ograničenog broja kandidata odbijeni na nekom od fakulteta/VŠ-i Univerziteta u Bihaću.

## **O D L U K A**

### **o kriterijima i mjerilima za utvrđivanje redoslijeda prijema kandidata za upis u I godinu studija na Univerzitetu u Bihaću**

#### **Član 1.**

Ovom Odlukom se utvrđuju zajednički kriteriji i mjerila za bodovanje i upis kandidata u I godinu studija na Univerzitetu u Bihaću.

#### **Član 2.**

Rangiranje kandidata i prijem studenata u I godinu studija vršit će se u zavisnosti od broja bodova koje kandidat osvoji:

**I.** na fakultetima/VŠ-i Univerziteta u Bihaću na kojima je predviđeno polaganje prijemnog ispita na osnovu :

- općeg uspjeha
- uspjeha iz pojedinih predmeta značajnih za odgovarajući studij
- rezultata postignutih na prijemnom ispitu
- rezultata ostvarenih na takmičenjima iz predmeta relevantnih za određeni studij, kao i rezultati ostvareni u vrhunskom sportu
- posebnog priznanja "Učenik generacije"

**II.** na fakultetima/VŠ-i Univerziteta u Bihaću na kojima nije predviđeno polaganje prijemnog ispita na osnovu:

- općeg uspjeha
- uspjeha iz pojedinih predmeta značajnih za odgovarajući studij
- rezultata ostvarenih na takmičenjima iz predmeta relevantnih za određeni studij, kao i rezultati ostvareni u vrhunskom sportu
- posebnog priznanja "Učenik generacije"

#### **Član 3.**

Broj bodova na osnovu općeg uspjeha iznosi maksimalno 35, a utvrđuje se tako da se prosječna ocjena iz svih predmeta u svim razredima, zaokružena na jednu decimalu pomnoži sa 7.

#### **Član 4.**

Broj bodova po osnovu uspjeha iz pojedinih predmeta značajnih za odgovarajući studij iznosi maksimalno 15. Spisak predmeta značajnih za odgovarajući studij po odsjecima i način bodovanja po ovom osnovu fakulteti/VŠ-a Univerziteta u Bihaću će istaći na svojim oglasnim pločama.

#### **Član 5.**

Vrednovanje rezultata po osnovu uspjeha postignutog na prijemnom ispitu kao i spisak predmeta značajnih za odgovarajući studij, iz kojih se polaže prijemni ispit po odsjecima i način bodovanja, po ovom osnovu fakulteti/VŠ-a Univerziteta u Bihaću će istaći na svojim oglasnim pločama, pri čemu maksimalni broj bodova koje kandidat može postići po ovom osnovu iznosi 30 bodova.

#### **Član 6.**

Broj bodova po osnovu rezultata ostvarenih na takmičenjima iz predmeta relevantnih za određeni studij, kao i rezultata ostvarenih u vrhunskom sportu iznosi maksimalno 6.

- Po osnovu ovih kriterija kandidat dobija slijedeći broj bodova: za osvojeno jedno od prvih tri mjesta na međunarodnim, državnim i kantonalnim takmičenjima u poznavanju naučnih ( stručnih ) disciplina od značaja za studij, 3 boda
- Za izuzetne rezultate ostvarene u vrhunskom sportu 3 boda.

Spisak predmeta, odnosno naučnih ( stručnih ) disciplina koje se boduju po ovom osnovu fakulteti/VŠ-a Univerziteta u Bihaću će istaći na svojim oglasnim pločama.

#### **Član 7.**

Kandidat koji je nosilac posebnog priznanja "Učenik generacije" po ovom osnovu dobija 10 bodova.

#### **Član 8.**

Minimum bodova koje kandidat mora ostvariti na prijemnom ispitu odredit će fakultet/VŠ-a Univerziteta u Bihaću.

#### **Član 9.**

Postupak provođenja ove Odluke vrši komisija koju imenuje fakultet/VŠ-a Univerziteta u Bihaću.

Na fakultetima/VŠ-i Univerziteta u Bihaću, na kojima se polaže prijemni ispit, komisija je dužna obezbijediti tajnost ispitnog materijala i druge relevantne dokumentacije.

Nakon zbrajanja bodova, za svakog kandidata pojedinačno, po svim osnovama iz ove Odluke, komisija sačinjava rang-listu svih kandidata i spisak primljenih kandidata i oglašava je na oglasnoj ploči nakon što je usvoji Nastavno-naučno vijeće fakulteta/VŠ-i Univerziteta u Bihaću, a u roku utvrđenom u Konkursu/Natječaju.

Na objavljenu rang-listu kandidati mogu uložiti pismeni prigovor Nastavno-naučnom vijeću fakulteta/VŠ-i Univerziteta u Bihaću u roku od 3 dana po objavljivanju liste.

Nastavno-naučno vijeće fakulteta/VŠ-e Univerziteta u Bihaću je dužno da u roku od 3 dana odluči o prigovoru i o tome obavijesti kandidata.

Odluka Nastavno-naučnog vijeća je konačna.

#### **Član 10.**

Fakulteti/VŠ-a Univerziteta u Bihaću koji u prvom konkursnom/natječajnom roku ne prime planirani broj kandidata provešće drugi konkursni rok početkom septembra tekuće godine.

#### **Član 11.**

Kandidati koji u skladu sa ovim Konkursom/Natječajem budu primljeni na fakultet/VŠ-u Univerziteta u Bihaću, za upis u I godinu studija, pored predatih dokumenata podnose:

- upisni, semestarski list i ŠV obrazac
- upisnicu ( INDEX )
- ljekarsko uvjerenje
- dokaz o regulisanju obaveza troškova studiranja - participacija (čija je visina na prošlogodišnjem nivou, a troškovi paralelnog studija su u visini iznosa školarine za vanredni studij, a sve prema Odluci Senata Univerziteta u Bihaću, broj: 06-1050/2010 od 06. 05. 2010. godine.

Pod jednakim uvjetima iz Kriterija, prednost imaju:

- djeca boraca-branitelja BiH,
  - djeca ratnih vojnih invalida, djeca šehida i poginulih i nestalih boraca – branitelja i umrlih ratnih vojnih invalida,
  - djeca organizatora otpora,
  - djeca veterana – prvoboraca,
  - djeca ratnih vojnih zarobljenika i
  - djeca nosilaca najviših ratnih priznanja
- (Sve u skladu sa važećim zakonskim propisima kojima se reguliše ova oblast).

Upis primljenih kandidata će se obaviti u septembru/rujnu tekuće godine, a detaljne informacije o mjestu i vremenu predaje dokumenata za upis, kao i druge bitne informacije, biće objavljene na oglasnim pločama fakulteta/VŠ-e Univerziteta u Bihaću.

Ovaj KONKURS/NATJEČAJ kao i konačni rezultati prijema objavit će se i na WEB stranici Univerziteta u Bihaću.

**Planu upisa studenata u I godinu studija na visokoškolske ustanove  
Univerziteta u Bihaću u akademskoj 2010/2011 godini u Prvi ciklus studija**

Visokoškolska ustanova	Odsjek	Smjer	Broj studenata			
			Redovni	Paralelni	Vanredni	Ukupno
Pedagoški fakultet	Bosanski jezik i književnost		30	-	25	55
	Matematika i fizika	Matematika i informatika	30	-	25	55
	Razredna nastava		30	-	25	55
	Njemački jezik i književnost		30		25	55
	Engleski jezik i književnost		30		25	55
	Tjelesni odgoj i sport		30	-	25	55
	Predškolski odgoj		30	-	25	55
<b>UKUPNO</b>			<b>210</b>	<b>-</b>	<b>175</b>	<b>385</b>
Tehnički fakultet	Mašinski odsjek	Proizvodno konstrukcioni	60	20	50	130
	Tekstilni	Dizajn	60	20	40	120
	Drvnoindustrijski	Tehnologija	60	20	50	130
	Građevinski	Opšti	60	20	60	140
	Elektrotehnički	Informatika	60	20	50	130
<b>UKUPNO</b>			<b>300</b>	<b>100</b>	<b>250</b>	<b>650</b>
Visokoškolska ustanova	Odsjek	Smjer	Broj studenata			
			Redovni	Paralelni	Vanredni	Ukupno
Biotehnički fakultet	Poljoprivredni	Organska poljoprivreda	30	20	-	50
		Opšti	30	20	-	50
	Prehrambeni	Prehrambena tehnologija	30	20	-	50
		Zaštita okoliša	30	20	-	50
<b>UKUPNO</b>			<b>120</b>	<b>80</b>	<b>-</b>	<b>200</b>
Pravni fakultet			70	60	40	170
	<b>UKUPNO</b>			<b>70</b>	<b>60</b>	<b>40</b>
Ekonomski fakultet	Studij 4+1		40	40	20	100
	Studij 3+0		30	30	20	80
<b>UKUPNO</b>			<b>70</b>	<b>70</b>	<b>40</b>	<b>180</b>
Visoka zdravstvena škola		Sestrinstvo	50	-	100	150
		Ekološko-sanitarni	50	-	30	80
		Diferencijalna razlika	-	-	50	50
<b>UKUPNO</b>			<b>100</b>	<b>-</b>	<b>180</b>	<b>280</b>
Islamski pedagoški fakultet			25	-	30	55
	<b>UKUPNO</b>			<b>25</b>	<b>-</b>	<b>30</b>
<b>UKUPNO NA UNIVERZITETU</b>			<b>895</b>	<b>310</b>	<b>715</b>	<b>1920</b>